

大明集禮

卷之三十一之三十一

明集禮卷三十
禮二



大明集禮卷三十一

賓禮二

蕃使朝貢

總序

周禮四方之使者至。大客則饋。小客則受其幣。而聽其辭。小客謂蕃國之使臣也。蕃國之使皆夷人。不習其禮。故直聽其辭而已。武王克商。通道九夷八蠻。西旅越裳。肅慎洋水等國。重譯來獻。皆受其贄而聽其辭。漢自貳師將軍伐大宛。

之後。其西域則罽賓。大宛。烏孫。康居。車師。莎車。鄯善。疏勒。烏戈。焉耆。條支。安息。蒙奇。兜勒。于寘。等三十六國。皆內屬貢獻。其南越則尉佗。匈奴則五單于。東夷則高句驪。濊貊。倭韓。扶餘。西南夷則哀牢。僂耳。僛僛。槃木。白狼。動粘等國。前後來獻。皆享勞以遺。遣之。唐蕃使貢獻。其宴見之禮有四。曰迎勞。曰戒見。曰受蕃使表及幣。曰皇帝宴。藩國使其西域則罽賓。吐蕃。于闐。康國。回鶻。吐谷渾。堅昆。俱蘭。摩揭佗。南蠻。則林邑。真臘。訶陵。昆明。虔月。牂柯。東謝。東夷。則高麗。百濟。新羅。日本。以及伊吾。高昌。焉耆。鐵勒。靺鞨。勃律。南詔。朱波等國。皆遣使貢獻方物。其宴饗賜予。各有等差。宋蕃國使至。宴見於紫宸殿及崇政殿。迎勞戒見。宴饗之儀。皆與唐同。自太祖以來。高麗。定安。女真。龜茲。于闐。高昌。天竺。占城。三佛齊。交趾。大食。回鶻。皆入貢獻。自後勃泥。波斯。日本。閩婆。吐蕃。牂柯。蒲端。注輦。喃廝羅。佛泥。拂菻。大理。真臘。婆羅等國。皆貢方物。其賜予宴饗有加。

元自太祖時。畏吾兒。回鶻。西夏。西域。高麗。皆遣使入貢。世祖以後。安南。占城。雲南。金齒。緬國。大理。拂郎等國。亦皆遣使貢獻。

國朝 洪武二年。占城國遣陪臣虎都蠻來貢。高麗遣陪臣禮部尚書洪尚載。安南遣陪臣同時敏等。皆貢方物。既至。有司

奏聞。出國門以迎勞。擇日進表幣方物於奉天殿。畢。進箋及方物於

中宮。東宮。

上位遣官於會同館賜宴畢。

東宮復遣官禮待。省府臺皆有宴。將還。遣使勞送出境。如或常朝。則中書接受表箋方物。次日使者隨班入見。其宴賜。

上位 東宮取旨禮待。今具其儀作蕃使朝貢篇

迎勞

唐 外夷入貢。則遣使者以束帛迎勞于郊。使者至館次。蕃使出迎於館門外。既入。使者稱有制。

蕃使北面再拜。使者宣制訖，蕃使進受幣。又再拜。使者既出，蕃使復揖使者入，以土物饋使者。再拜受。蕃使亦再拜。**宋**蕃使來貢，則有接伴使。既至，又設館伴使以宴勞之。

國朝

蕃使朝貢，至龍江驛，禮部

奏聞，先遣舍人接伴。次遣應天府同知迎勞。既入，又遣禮部侍郎宴勞于會同館。

冠服

漢蕃使朝貢，皆服其國服，不見天子受朝之儀。

唐

受蕃使朝貢，天子服通天冠，絳紗袍。蕃使皆

服國服。

宋

與唐同，但錫宴則皇帝服靴袍。蕃使

服所賜衣帶。

國朝蕃使於

奉天殿朝見。

皇帝服通天冠，絳紗袍。蕃使依品服朝服，行禮。文武百官朝服侍立，進見。

東宮。

皇太子常服。蕃使服其國服，行禮。文武官公服。

侍班。

陳設

唐蕃使來貢。前一日尚舍奉御設御幄於所御之殿南向。守宮設使者次於門外。太樂令展宮懸於殿庭。設舉麾位於上下。若大蕃中使及蕃使以下則不

設樂及黃麾仗

尚舍奉御鋪使者牀座於御座西南。設

不升殿者坐席於西廊下。俱東面北上。典儀設使者位於懸南。重行北向東上。設典儀贊者位於懸之東北。諸衛各勒所部列黃麾半仗屯門

及陳於殿庭。宋遼使來朝。殿中監率其屬尚舍

張設紫宸殿門之內。設御座於殿上當中南向

尚醞設御酒尊酒器於殿上御座之東。尚食設

御茶牀於御座之西。俱稍北。有司設羣官酒尊

酒器於殿下。尚輦陳輿輦於紫宸殿東西朵殿

繖扇於階下。尚書兵部列黃麾角仗。及殿中細

仗於紫宸殿。元蕃使朝貢。於正旦聖節大朝會

之日隨班行禮。

國朝

陳設見受蕃使進貢儀注。

儀仗

唐大蕃大使朝見。設供奉仗散手仗於殿上。又設黃麾半仗屯門。其中蕃大使大蕃中使朝見。則不設黃麾仗。宋遼使朝見。設黃麾角仗及殿中細仗。其夏國高麗交州宜州等使皆不設黃麾仗。

國朝蕃使朝貢。其初歸附。則於

奉天殿

丹陛

丹墀設黃麾仗。

奉天門

午門陳設旗仗。如蕃王朝見之儀。其每歲常朝則止。隨班行禮。止設常儀傘扇校椅之類。不設丹墀

丹陛

奉天門

午門旗仗之儀。

班位

周蕃使不朝見。漢公卿百官相賀畢。蠻貊胡羌以次朝貢。唐蕃使朝見拜位於樂懸之南。其正旦隨班。則東方南方使客於東方。朝集使之南。每國異位重行。西面北上。西方北方使客於西方。朝集使之南。東面北上。宋蕃使朝見其班在節度使之南。正旦隨班。則契丹使在龍墀之上。少西。夏國使在宮架之東。夏國從人次之。高麗使在宮架之西。高麗從人次之。

國朝蕃使人貢拜位在

丹墀中道之東西。其遇正至

聖節。則隨班行禮。位在文官拜位之東。如諸國畢至。則以大小序位。諸執事位詳見于受蕃使朝見儀注。

執事

唐受蕃使表幣之日。其執事則尚舍奉御設御座。守宮設使者次。太樂令設樂。協律郎偃麾舉麾。典儀掌禮。贊者掌唱禮。符寶郎掌奉寶。通事舍人掌行禮。侍中奏外辨。中書侍郎掌書奏。令

史持案。舍人承制。有司受幣馬。宋殿中監尚舍奉御設御座。太樂令設樂。尚醞設酒。尚食設食。協律郎偃麾舉麾。大司樂押樂。典儀掌禮。贊者唱禮。東上閤門官掌引禮。內侍進班齊牌。符寶郎掌奉寶。舍人贊起居。舍人奏外辨。知客省事接書傳制。舍人引文武班。

國朝

陳御座香案內史一人。設

寶案尚寶司官一人。導

駕侍儀六人。奏外辨一人。執中嚴外辨牌舍人

一人。承制官一人。宣表官一人。展表官二人。讀方物狀官一人。舉表案及方物案若干人。殿前班指揮使三人。侍從班光祿寺官三人。殿前拱衛指揮二人。通贊贊禮各一人。知班二人。典儀二人。內贊二人。引蕃使舍人二人。引文武班舍人四人。設版位拜席舍人二人。丹墀上宿衛鎮撫二人。護衛千戶八人。丹墀下護衛千戶二十四人。殿上擎執內使八人。典牧所掌仗馬二人。

丹墀南五輅聲士四十人。

殿上將軍二人。

殿門左右將軍六人。

丹陛上天武將軍四人。

奉天門將軍六人。鳴鞭四人。司辰一人。鷄唱一人。

殿前擎執掌扇等儀十六人。

丹墀東西擎執節幢等儀九十人。

丹陛東西擎執氅蓋等儀九十人。控仗馬十二

人。和聲郎二人。協律郎二人。樂工六十四人。

奉天門外中道擎執旗仗十七人。左右擎執旗

仗三百二十人。控象十二人。舉虎豹輿士二十

四人。

午門外軍士若干人。

樂舞

唐武德八年。占城遣使獻方物。高祖為設九部樂以宴樂之。自後凡大蕃大使為設樂。次蕃大使及大蕃中使以下。皆不設樂。**宋**契丹女真等

使來聘。其朝見皆設樂懸。西夏高麗交州宜州及海外蕃客等使朝見皆不設樂懸。

國朝高麗安南占城等使朝貢皆於

奉天殿設大樂以見之。其錫宴則間用大樂細樂及舞隊。

貢獻

黃帝時南夷乘白鹿來獻鬯。**帝舜**時西王母來

獻白環白琯。**夏禹**之時渠搜來獻琬琰。**武王**克

商西旅獻獒。獒洋水獻名馬。肅慎氏貢楛矢石砮。

周室既寧。八方各以其職來獻。作王會。**漢南粵**

獻白璧一雙。翠鳥千。犀角十。紫貝五百。桂蠹一

器。生翠四十雙。孔雀二雙。武帝時西域獻吉光

裘。光武建武十三年。日南獻白雉。白兔。章帝元

和元年。日南獻生犀。白雉。和帝章和二年。安息

遣使獻獅子。扶拔。永元十三年。安息國獻獅子。

及條支大爵。順帝陽和元年。疏勒獻獅子。封牛。

唐武德二年。罽賓遣使貢寶帶。金瑣。水晶。玳瑁。玻

璃。狀若酸棗。四年。百濟遣使獻果下馬。貞觀四

年林邑獻馴象。鏤瑣五色帶。朝霞布。火珠。八年
又遣使者獻五色鸚鵡。二十一年。詔所司錄遠
夷所貢方物。葉護獻蒲萄。摩伽獻菩提木。康國
獻金桃。伽國獻鬱金香。罽賓獻俱物頭花。加失
畢獻鉢羅花。達國獻佛土菜。婆羅國獻波稜鮓
菜。苦菜。胡芹。渾提葱。薛延陀獻拔蘭鹿突厥獻
馬蹄羊。波斯國獻活禱蛇。吐陸獻金卵鷄。鷲胡
國獻石蜜。西域獻蒲萄酒。高昌獻玄狐裘。康國
獻獅子。百濟獻鐵甲雕斧。**宋**建隆元年。占城以

犀角象齒來貢。表章書于貝多葉。乾德四年。貢
犀象白氎。自後三佛齊獻獅子。象牙。孔雀。鳳。白
鶻。獻珠。玉貂皮。橐駝。名馬。于闐貢玉圭。及玉鞍
勒轡。玉帶。高麗獻錦。罽賓。劔。漆甲。白氎。高昌貢
佛牙。琉璃器。玉琰。虎珀琰。大食貢象齒。錦。綉。琉
璃。鍾。邛州貢文犀。名馬。犀角。象齒。獐。羊。封牛。交
趾獻黃金器。明珠。沉香。翠羽。綾。絹。馬十。象十。契
丹獻御衣。名馬。白鶻。金玉帶。玉鞍。勒馬。金銀飾
戎仗馬百匹。龜茲貢玉勒。名馬。獨峯橐駝。寶刀。

琉璃器。閩婆貢象齒珠貝。白鸚鵡。河西獻名馬。蒲端以金版鑄表。貢丁香。白龍腦。瑇瑁。紅鸚鵡。**宋**安南貢金器。朱砂。紅綠錦。光香象齒。犀角玳瑁甲。緬國貢象。占城貢犀象。海羊。猿虎豹皮。真珠。鷄。金鷄。迦藍木。大理。金齒雲南貢毡。弓。虎豹皮。瓜哇進象。黑虎。金絲猿。走獸。鶉。鴿。番鷄。金器。白鸚鵡。白鼠。野牛。野人。耽羅貢驃馬。

國朝高麗國貢

上位方物。鞍子。黃紵絲。黑麻布。白紵絲。簾。席。方

蓆。別紋踏蓆。同紋踏蓆。滿花寢蓆。人參。豹皮。

中官方物。黃紵絲。白紵絲。粉紅布。滿花寢蓆。方紋上蓆。同紋踏蓆。方蓆。

東官方物。鞍子。白紵絲。黃紵絲。黑麻布。簾。蓆。方蓆。別紋上蓆。同紋踏蓆。豹皮。人參。安南國貢銀表。函。金酒瓶。金盃盤。金厮羅。銀厮羅。生辰砂。紅綠錦。光香象牙。玳瑁甲。犀角木。綿縷絲。他倫皮。藤席。山芋席。椰殼。檳榔核。黃屑。黃藤。南紙。占城貢虎象。

錫宴

自漢有宴蕃使之禮。凡四夷朝賀。天子命大會勞饗。武帝大始三年。設酒池肉林饗四夷之客。**唐**蕃國使至。賜宴於紫宸殿。使者坐於御座西南。不升殿者坐於西廊下。使者服其國服。再拜就座。飲酒設庶羞。進食作樂。及文武二舞。每皇帝飲酒。諸蕃使皆興避位。飲畢乃就座。**宋**蕃國使至。賜宴於紫宸殿。使者坐於御座之西南。東向。不升殿者坐於廊下。使者服所賜衣服。再拜

就座。酒五行。食五品。作樂。其夏國高麗交州宜州等使。則賜酒食。不設宴。

國朝蕃使朝貢。

皇帝遣禮部侍郎錫宴于會同館。

皇太子錫宴。則遣官官禮待之。俱酒七行。食五品。作大樂細樂。陳雜戲。省府臺皆置酒宴會。酒五行。食五品。作樂。不陳雜戲。

賜予

周越裳來貢。周公賜以文錦二匹。駟車五乘。**漢**

建武十七年。莎車王賢遣使貢獻。賜賢車旗。黃金錦繡。二十八年。單于遣使貢馬及裘。因請音樂。賜以弓劍。曰。單于國未安。方厲武節。以戰攻為務。竽瑟之用。不如良弓利劍。三十一年。北匈奴復遣使來貢。賜以繒綵。左賢王莫立遺冠幘。絳單衣三襲。童子佩刀緹帶各一。又賜繒綵四十匹。**唐**貞觀中。百濟來貢。賜帛段三千。開元八年。天竺來獻。帝以錦袍魚袋賜之。十四年。大食遣使獻方物。賜緋袍銀帶。天寶中。拔悉密遣使

入謝。玄宗賜錦文袍金鈿帶。**宋**建隆三年。三佛齊遣使朝貢。賜以冠帶器幣。使還。又賜以錦綵銀器。咸平二年。邛州蠻入貢。賜以錦袍。龍衣冠帶。器幣。四年。龜茲來貢。賜以暈錦衣金帶。景德四年。瓜沙貢名馬。賜以錦袍金帶。乾道四年。占城貢方物。賜以錦綾羅銀器。**元**世祖至元三年。百濟遣其臣梁浩來朝。賜以錦繡有差。六年。高麗國王王植遣其世子慤來朝。賜植玉帶一。慤金五十兩。今擬

國朝隨時取旨各若干

迎勞儀注

蕃使至龍江驛。驛令具某國遣使者姓某名某及從人名數。詣應天府報知。應天府官稟知中書省及禮部。禮部

奏聞。遣侍儀舍人二人接伴。遣應天府同知龍江驛禮待。

前期館人陳設蕃使及應天府官座次於正廳。賓左主右。中設酒案及食案。應天府官至館。館人入告蕃使。接伴舍人引蕃使出迎於館門之外。贊引引應天府官與蕃使俱入。蕃使升自西階。應天府官升自東階。至廳。蕃使東向立。府官西向立。贊引唱鞠躬。拜興。拜興。平身。蕃使與應天府官皆鞠躬。拜興。拜興。平身。應天府官進詣蕃使前致禮待之意。畢。贊引引蕃使與府官各就位坐。執事者各舉食案進供於蕃使及府官之前。執事者斟酒。及進食。凡酒五行。食三品。宴畢。贊禮引蕃使送應天府官出。蕃使自西。應天

府官由東出。至館門外。蕃使入。明旦應天府官請使者出館。俱上馬。蕃使行近右。應天府官行近左。後人後。後至會同館下馬。接待舍人引蕃使由西而入。應天府官由東而入。至次訖。報知中書省。中書省

奏知。命禮部侍郎至會同館禮待。其陳設位次食品一如前儀。宴畢。接待舍人引蕃使及禮部侍郎出。蕃使降自西階。禮部侍郎降自東階。出館門外。使者還館。

受蕃國來附遣使進貢儀注

前期。侍儀司引蕃使天界寺習儀三日。擇日朝見。

前一日。內使監設

御座香案於

奉天殿中。尚寶卿設

寶案於

御座前。侍儀司設

表案于

大明集禮 卷三十一
丹墀中道之北及

殿上正中。設方物位于

表箋案之南。中道之東西。舉方物案執事位于方物案之左右。設使者位于中道之東西。方物案之南。北向。設通事位于使者位之西北。向。設文武官侍立位于

丹墀之北。東西相向。設受表兼宣表官受方物兼宣方物官位。及展表官位于表案之西。東向。設承制官位于

殿內西向。及使者之北。設典儀二人位于

丹陛上。東西相向。設知班位于

丹墀之北。東西相向。設贊禮位于知班之北。東西相向。設內贊二人位于

殿上。東西相向。引使者舍人二人於使者拜位之西。東向。引文武官舍人四人於文武班之北。稍後。東西相向。侍從班起居注。殿中侍御史。尚寶卿位于

殿上西向。指揮司懸刀武官位于

大明集禮 卷三十一
殿上東向。拱衛司官位于

奉天門之左右。東西相向。典牧所官位于仗馬之前。東西相向。宿衛鎮撫位于

丹陛東西階下。東西相向。護衛百戶二十四員。於宿衛鎮撫之南稍後。東西相向。護衛千戶八員。於

殿東西門之左右。東西相向。將軍二人於殿上。東西相向。天武將軍四人於丹陛上之四隅。東西相向。將軍六人於

奉天殿門之左右。東西相向。將軍六人於奉天門之左右。東西相向。

是日。金吾衛陳設甲士於午門外之東西。列旗仗於

奉天門外之東西。拱衛司陳儀仗於丹陛上及

丹墀之東西。陳五輅於

丹陛之南。典牧所陳仗馬於

文武樓之南。東西相向。陳虎豹於

奉天門外。和聲郎陳樂於

丹墀。諸蕃使拜位之南。擊鼓初嚴。侍儀舍人入陳拜席。引班引文武百官。各具朝服。次嚴。引班引文武百官齊班於

午門外。東西相向。以北為上。禮部執事以方物各置于案。各執事俱入就位。諸侍衛官各服其器服。及尚寶卿侍從官入詣

謹身殿奉迎。引班引使者服朝服奉

表。執事者舁方物前行。使者朝服後從。由

午門入。就金水西橋入西掖門。至

丹墀。西東向序立。擊鼓三嚴。引班引文武官入就侍立位。侍儀版奏外辦。御用監跪奏

皇帝服皮弁御輿以出。尚寶卿捧

寶及侍儀侍衛導從如常儀。

皇帝將出。仗動。樂作陞

御座。樂止尚寶卿置

寶於案。鳴鞭。鷄唱報時訖。引禮引使者置

表於案。就位北向立。執事者舁方物入就位。退

大明集禮 卷三十一
立於左右。知班唱班齊訖。贊禮唱鞠躬。拜興。拜興。拜興。拜興。平身。使者及衆使者皆鞠躬。樂作。拜興。拜興。拜興。拜興。平身。樂止。贊禮唱進表。引禮引使者詣

表案前。贊禮唱跪。使者及衆使者皆跪。唱進表。使者跪取

表函。捧進于受表官。受表官受

表。進方物狀者跪取方物狀。授于受方物狀官。受方物狀官受方物狀。與受表官展表官由西

階陞西門入。至

殿庭。以

表置于案。俱退立于西。內贊唱宣

表。宣表官詣案。取表跪宣於

殿西。展表官同跪展。宣訖。俯伏。興。宣表官以表置于案。退立於

殿西。宣方物狀官詣案。取方物狀。跪宣於

殿西。展方物狀官同跪展。俯伏。興。宣方物狀官以方物狀置于案。與宣表官展表官由

殿西門出復位。贊禮唱俯伏。興。使者及衆使者皆俯伏興。平身。贊禮唱復位。引禮引使者退復位。承制官承

制自中門出。中階降。詣使者前。稱有

制。贊禮唱跪。使者及衆使者皆跪。承制官宣

制曰。

皇帝制問使者來時想爾某國君安好。使者答畢。贊禮唱俯伏。興。拜。興。平身。使者及衆使者皆俯伏興。樂作拜興。拜興。平身。樂止。承制官

稱有後

制。贊禮唱跪。使者及衆使者皆跪。承制官宣

制曰。

皇帝又問爾使者遠來勤勞。使者答畢。贊

禮唱俯伏興。拜。興。平身。使者及衆使者皆

俯伏興。樂作拜興。拜興。平身。樂止。承制官自西

階陞西門入。回奏訖。復侍立位。贊禮唱鞠躬。拜

興。拜。興。拜。興。平身。使者及衆使者皆鞠躬。

樂作拜興。拜興。拜興。平身。樂止。禮部官收

表及方物。引使者出。侍儀奏禮畢。

上位駕回。樂作還宮。樂止。引班引文武百官及

使者以次出。其每歲常朝。則於中書省接受

表箋方物。是日於省門前執事者置方物於案。

引禮引使者捧

表箋由中門入。方物隨行至堂上。置方物於前。

丞相與使者捧

表箋各至丞相前。丞相受

表箋。各授于執事。使者退立於西。司壺舉杯者

出。舉杯者以杯先進於丞相。丞相執杯。使者跪

持酒飲畢。退立。引禮引使者由西廊出。戶部受

方物。報侍儀司習儀。次日各依品從具公服行

五拜禮。出

午門釋服。於

東宮行禮。

受蕃使每歲常朝儀注

中書省受

表箋。侍儀司引蕃使於天界寺習儀。擇日朝見。

前一日。內使監陳設

御座香案于

奉天殿如常儀。侍儀司設使者位于

丹墀中道上之西北向。承制官侍立位於

殿內之東。宣制位於使者之北。百官侍立位於

丹墀之北。東西相向。知班二人位於使者之北。

東西相向。贊禮二人位於知班之北。東西相向。

典儀二人位于

丹陛上。東西相向。引使者二人位于使者之西。

東向。引文武班四人於文武班之北。稍後。東西相向。侍從班位於

殿上。東西相向。文東武西。導駕官位于

殿內。東西相向。將軍六人位于

奉天門之左右。將軍六人位于

奉天殿門之左右。將軍四人位于

丹陛上之四隅。將軍二人位于

奉天殿內簾前之左右。宿衛鎮撫二人位于

丹墀東西階下。東西相向。護衛二十四人位于

宿衛鎮撫之南稍後。東西相向。護衛千戶八員
位于

殿東西門之左右。拱衛司陳設儀仗於

丹墀

丹陛之東西。鳴鞭四人於

丹陛上北向。拱衛司光祿寺官侍立於

殿門之左右。

是日侵晨。擊鼓初嚴。各執事陳設如儀。引班催
請使臣及百官各具朝服。次嚴。執事各入就位。

引班引百官使者齊班於

午門外。東西相向。三嚴。引班引百官入就侍立

位。引使者入立於

丹墀之西。導駕官入

謹身殿奉迎。侍儀奏外辦。御用監官跪奏

皇帝具通天冠。絳紗袍。侍從導引出宮。樂作陛

御座。樂止捲簾。鳴鞭報時訖。引班引使者入就

位。知班唱班齊。贊禮唱鞠躬。拜興。拜興。拜

興。平身。使者鞠躬。樂作拜興。拜興。拜興。平

身。樂止承制官前跪承

制。由中門出。中階降。至使者前。稱有

制。贊禮唱某等跪聽。使者跪。承制官宣

制曰。

皇帝制問使者來時。想爾某國王某安好。使者

荅曰

畢贊禮唱俯伏興拜興拜興平身。使

者皆俯伏興

樂作

拜興拜興平身

樂止

承制官

稱有後

制。使者跪。承制官宣

制曰。

皇帝又問爾使介遠來勤勞。使者又荅

畢

贊禮唱俯伏興

樂作

拜興拜興平身

樂止

承制

官由西階陞。西門入。回

奏訖。復侍立位。贊禮唱鞠躬拜興拜興拜興拜興

興平身。使者皆鞠躬

樂作

拜興拜興拜興拜興

平身

樂止

侍儀奏禮畢

上位駕回

樂作

還宮

樂止

引班引文武百官及

使者以次出

東宮受蕃國來附遣使進貢儀注

每歲當朝入見儀附

前期內使監設

皇太子座于東宮正殿正中設

箋案于

丹墀之北稍東及

殿上正中設方物案位于

箋案之後設使者位于方物位之後受箋無宣

箋官位于

箋案之西設受方物狀無宣方物狀官位于宣

箋官之南設展箋官無展方物狀官位于宣方物狀官之南設百官侍立位于

東宮丹墀東西相向設知班位于使者拜位之北東西相向設贊禮位于知班之南東西相向設內贊二人於

殿上東西相向設引使者舍人二人位于使者拜位之西引文武官舍人四人位于文武班之北稍後東西相向

是日侵晨宿衛陳兵仗於

東宮門外。拱衛司陳儀仗於

東宮丹陛

丹墀之東西。將軍六人于

殿門之左右。和聲郎設樂位于使者拜位之南。引禮引文武官常服入就侍立位。引禮引舉方物案。執事前行。使者常服後隨。入至

東宮內門外東向立。引進導引

皇太子常服陞

殿。仗動。樂作陞

座。樂止引禮引使者入就位。北向立。執事者昇

方物就位退立於

丹墀之西。知班唱班齊。贊禮唱鞠躬。拜興。拜興。拜興。拜興。平身。使者及衆使者皆鞠躬。樂作拜

興。拜興。拜興。拜興。平身。樂止贊禮唱進

筵。引禮引進筵。使者詣案取

筵。跪進于受筵。官訖。進方物。使者詣案取方物。狀。跪進于受方物。狀。官訖。受方物。狀。官與受筵。展筵。官俱由西門入于

殿庭置于案。退立於西。內贊唱宣

箋。受箋官詣案取

箋。跪讀於

殿西。展箋。官跪展宣訖。俯伏。興。受箋官以

箋復于案。退立于西。受方物狀官詣案取方物
狀。跪讀于

殿西。展方物狀。官跪展宣訖。俯伏。興。受方物狀
官以方物狀復于案。與受箋官展箋。官由西門
出。復位。贊禮唱俯伏。興。使者與衆使者皆俯伏

興。引禮。引使者復位。贊禮唱鞠躬。拜興。拜興。拜興。平身。使者及衆使者皆鞠躬。樂作。拜興。
拜興。拜興。拜興。平身。樂止。贊禮唱禮畢。引禮。引
使者出內。使監官收

箋文禮物。引進啓禮畢。導引

皇太子還官。樂作。入宮。樂止。引禮。引文武官以
次出。

每歲常朝入見

上位畢。出

午門釋服於

皇太子所坐之所隨班行四拜禮

蕃國遣使來附參見省府臺官儀遣使

每歲常朝
入見儀附

蕃使見

東官畢

次日詣中書省參拜丞相各省官坐都堂六部
主事六曹掾史侍立於左右引禮引蕃使至省
門外執事以所獻書置于案及方物案舉由西

偏門入西階陞使者從行置書案于月臺上之
北方物案分陳于東西使者立于其南贊禮唱
鞠躬拜興拜興平身蕃使鞠躬拜興拜興平身
引禮引蕃使詣案取書跪進於受書執事者使
者興復位受書執事捧書至丞相前啓械丞相
閱書畢贊禮唱鞠躬拜興拜興平身蕃使鞠躬
拜興拜興平身禮畢引禮引自西階退執事收
方物引禮引使者詣左司郎中出位南向立蕃
使北向立贊禮唱鞠躬拜興拜興平身蕃使鞠

躬拜興拜興平身郎中皆答拜次詣負外郎以下俱相對再拜答拜訖次詣右司如左司之儀次日至都督府參拜都督府官坐府堂上各衛官屬戎服盛陳兵仗其陳設參見儀如都省及參見經歷司如都省左右司之儀次至御史臺參見之禮與參見省府官同惟不設兵衛其衆衙門相見三品以下至九品皆再拜答禮其每歲常朝則止於中書省參見省官行再拜禮。

錫宴儀注

東宮錫宴儀同

蕃使進貢及參見畢禮部官奏奉

聖旨錫宴於會同館

東宮錫宴則東宮官啓奉令旨

前期館人陳設坐次於會同館正廳賓西主東中設御酒案於正中膳部主客命執事設酒案及食案於廳之南楹教坊司陳設樂舞於酒案之左右是日禮部官陳龍亭於午門外光祿寺官取旨捧

御酒置於龍亭。儀仗鼓樂前導。禮部官光祿寺官乘馬後隨。至館門。館人入報。蕃使出迎於館門之外。執事者捧

御酒前行。引贊引奉

旨官後行。由中道入。至廳上。置於案。使者自西階升。立于西偶。奉

旨官立于

御酒案之東。稱有

制。使者望

闕跪聽宣

制畢。贊禮唱鞠躬。拜興。拜興。平身。使者鞠躬。拜興。拜興。平身。奉

旨官舉杯酌酒。授使者飲。北面同跪。使者飲畢。贊禮唱鞠躬。拜興。拜興。平身。使者鞠躬。拜興。拜興。平身。贊禮引使者及奉

旨官各就席坐。執事者舉食案進供于使者及

旨官之前。執壺者斟酒。樂作飲畢。樂止酒七行。

湯七品。上湯擊鼓。行酒作細樂。及陳雜戲。宴畢。使者送奉。旨官出至館門外。奉

旨官上馬。使者入。擇日。

皇太子錫宴。陳設食品禮節。皆如前儀。

省府臺宴勞儀注。

東宮錫宴畢。中書省於左司置酒宴勞。

前期膳部主客於左司陳設。使者及左右司官座次於左司正廳。賓西主東。膳部設酒案於廳中。教坊司陳樂於左司之左右。左司遣掾史詣

會同館請使者赴左司。既至。左司官降階出迎。使者陞自西階。左司官陞自東階。至廳。使者東向立。左司官西向立。主宴者進詣使者前致禮待之意畢。各就席坐。執事者舉食案進供於使者。及左司官之前。執壺者斟酒。樂作飲畢。樂止。酒五行。湯五品。上湯擊鼓。行酒作細樂。不陳雜戲。宴畢。左司官送使者由省西門出。使者上馬。左司官入。次都督府。次御史臺。俱於經歷司禮待。其儀與左司同。

蕃使陞辭儀注

蕃使將還國禮部

奏知戒蕃使某日

陞辭

前二日於天界寺習儀

前一日內使監陳設

御座香案於

奉天殿侍儀司設蕃使拜位於

丹墀中道稍西北向設文武官侍立位於

丹墀之北東西相向承制官位於

殿上之東及宣制位於

丹陛上之東南設知班二人位於蕃使之北設

贊禮二人位於知班之北典儀二人位於

丹陛上之南俱東西相向設引蕃使舍人二人

位於蕃使之西東向引文武班舍人四人位於

文武班之北稍後東西相向侍從班位於

殿上之東西拱衛指揮光祿寺官位於

殿門前之左右內使擊執八人位於

御座前之左右宿衛鎮撫位于

丹陛東西階下護衛百戶二十四人位于鎮撫之南稍後俱東西相向護衛千戶八人位于

殿東西門之左右將軍二人位于

殿上之左右將軍六人位于

殿門之左右將軍四人位于

丹陛之四隅將軍六人位于

奉天門之左右俱東西相向鳴鞭四人位于

丹陛上之南。

是日侵晨金吾衛陳設兵仗於

午門外之東西拱衛司陳儀仗于

丹墀

丹陛之東西樂工陳樂於

丹墀之南擊鼓初嚴禮部官於

午門外以

御酒禮物置于案執事者若干人服窄紅衫舉

案捧禮物官具朝服若干人從入陳案於

丹陛上東南

如賜物案之北。詔則設拱衛司用黃蓋遮覆執

事各入就位。舍人催文武官及蕃使具朝服。擊鼓次嚴。侍儀侍衛入迎。

車駕。舍人引文武官齊班於

午門外之東西。引使者立於武官之南東向。擊鼓三嚴。引班引文武官入就侍立位。引蕃使入立於

丹墀之西南。侍儀版奏外辨。御用監跪奏

皇帝服皮弁服御輿以出。侍儀侍衛導從警蹕如常儀。

皇帝將出。仗動。樂作陞

御座。樂止將軍捲簾鳴鞭。雞唱報時訖。引禮引

蕃使入就位。贊禮唱鞠躬。拜興。拜興。拜興。

平身。蕃使皆鞠躬。樂作拜興。拜興。拜興。樂

止承制官詣

御座前跪承

制由

殿中門出。立於宣制位。稱有

制。贊禮唱某等跪聽。蕃使皆跪。承制官宣

制曰。

皇帝制諭 宣畢。贊禮唱俯伏。興拜。興拜。興拜。

興拜。興平身。蕃使皆俯伏興。樂作拜興。拜興。拜

興。拜興。平身。樂止承制官由

殿西門入。跪奏云。承制訖。復侍立位。贊禮唱鞠

躬。拜興。拜興。拜興。平身。蕃使皆鞠躬。樂作

拜興。拜興。拜興。平身。樂止贊禮唱禮畢。捧

禮物官捧禮物自

丹墀中道降。由

奉天中門出。如有遮覆詔則黃蓋舍人引蕃使由

奉天西門出。侍儀奏禮畢。

皇帝興。樂作還宮。樂止引禮引百官以序出。捧

禮物官捧禮物至

午門。付使者行。每歲常朝具本品。公服隨班行

五拜禮。

蕃使辭東宮儀注。蕃使每歲常朝儀附

蕃使

奉天殿陛辭訖。次辭

東宮。

前期內使監設

皇太子座于

東宮正殿侍儀司設蕃使拜位于

殿下稍西設文武官侍立位于

庭中東西相向知班二人於使者拜位之北贊禮二人位于知班之北俱東西相向設引使者舍人二人位于使者之西設引文武官舍人四人於文武班之北稍後東西相向設將軍六人

位于

殿門之左右。

是日宿衛陳兵仗於

東宮門外拱衛司陳儀仗於

殿庭之左右樂工陳樂於

殿庭之南執事各入就位引禮引文武官常服入就侍立位引禮引使者及衆使者至

東宮門外西立東向引進導引

皇太子常服陞

殿。樂作陞

座。樂止

引禮二人引蕃使入就拜位北向立贊

禮唱鞠躬拜興拜興拜興平身。蕃使及眾

使者皆鞠躬。

樂作

拜興拜興拜興平身。樂

止贊禮唱禮畢。引禮引使者退立於西。引進啓

禮畢。

皇太子興。

樂作

還宮。

樂止

引禮引使者出次。引

文武官以序出。每歲常朝辭謝使者常服隨班

行四拜禮。

勞送出境

蕃使辭

東宮畢。禮部官率應天府官送出國門之外。至

龍江驛。禮部官還應天府官設宴如初至之儀。

宴畢。應天府官還驛丞送起行。

蕃使進
貢之圖

甲士軍仗

午門外陳設

甲士軍仗

集禮卷三十一

午門

豹 虎 象 象

豹 虎 象 象

仗 旗

軍 將

軍 將

軍 將

軍 將

軍 將

軍 將

仗 旗

丹墀版位

集禮卷三十四

仗馬 仗馬 仗馬

仗馬 仗馬 仗馬

典牧官

典牧官

革 鞞

金 鞞

玉 鞞

象 鞞

木 鞞

樂

蕃使

通事

引班 引班

文官侍立位

同辰

位立侍官武

集禮卷三十四十一

知班
贊禮

同辰

方物禁

表禁

方物禁

知班
贊禮

官表
官表
官表

丹陛上版位

護衛 護衛 護衛 護衛 護衛 護衛 護衛 護衛 護衛 護衛

撫鎮衛宿

撫鎮衛宿

護衛 護衛 護衛 護衛 護衛 護衛 護衛 護衛 護衛 護衛

集禮卷三十一四十二

樂工

典儀

典儀

樂工

天武將軍

天武將軍

鳴鞭

鳴鞭

鳴鞭

鳴鞭

天武將軍

護衛

護衛

護衛

護衛

右衛門少監

左衛門少監

拱衛司官

馬司衛官

天武將軍

護衛

護衛

護衛

護衛

將軍

將軍

將軍

將軍

將軍

將軍

門

門

門

殿上版位

集禮卷三十一四十二

承制官

表

殿上版位
承制官
承制官
承制官

起居注給事中侍儀尚寶侍從班

尚寶

班從侍刀懸官武下以揮指

內使侍立位

御座

侍從侍立位

蕃使進貢
東宮之圖

士甲兵仗

仗兵甲士

集禮卷三十一四十四

門 門 門

門 門 門

旗仗

仗旗

殿庭中

知班
贊禮

樂

贊禮群位

引班
引班

知班
贊禮

方物案

案
案

方物案

展案
方物
官

立侍官文

立侍官武

露臺上

校尉執

校尉執

將軍

將軍

將軍

將軍

將軍

將軍

集禮卷三十一四十五

内賛

内使侍立

樂

皇太子座

内侍使内

内賛

内使侍立
内賛
内使侍立
内賛

蕃使每歲常
朝東宮之圖

班從侍官文

樂

班從侍官武

儀禮卷三十一四十六

引班

蕃使拜位

引班

引班

知班
賛禮

知班
賛禮

蕃使見
省官圖



引禮
贊禮

方物案

蕃使拜位

方物案

引禮
贊禮



儀禮卷三十一四十七

執事尉枝

將軍

門

車欵

將軍

門

車欵

將軍

門

將軍

執事尉枝

內使侍立位

皇帝座

內使侍立位

省部掾屬侍立位

參政

左丞

平章

平章

獨

相

位立侍屬掾部省

參政

右丞

平章

平章

大明集禮卷三十一

大明集禮卷三十二

大明集禮卷三十二

賓禮三

遣使

總序

古者天子於服內諸侯有間問致賑賀慶致禮之禮九州之外未嘗遣使往聘也。至漢高帝遣陸賈使南粵。賜以印綬。孝文之時復遣陸賈奉詔使南粵。孝武有事四夷遣張騫以郎使西域。蘇武以中郎將使匈奴。自後蕃國有喪則吊問。

來聘則報命。乞降則授璽綬。光武建武二十六年。遣中郎將段郴副校尉王郁使南單于。單于拜伏受詔。三十一年。單于薨。遣中郎將段郴將兵赴吊。弟左賢王莫立遣使賫書鎮慰。拜授璽綬。和帝永元四年。北匈奴右谷蠡王自為單于。款塞乞降。遣大將軍左校尉景夔往授璽綬。唐使外國。謂之入蕃使。武德四年。新羅遣使來貢。高祖遣散騎侍郎庾文素往使。賜以璽書。貞觀十五年。尸羅逸多遣使入貢。太宗遣衛尉丞李

義表奉勅書報使。逸多東面拜受。高宗二十年。突厥特勒死。詔金吾將軍張玄逸都官郎中呂向。賫璽書入蕃弔祭。貞元八年。以祠部郎中兼御史中丞袁滋。賜南詔印。憲宗元和元年。遣鴻臚少卿攝御史中丞李銛為入蕃使。長史兼侍御史吳暈副之。宋使外國。謂之國信使。太祖開寶八年。遣西上閣門使郝崇信使契丹。以太常丞呂端副之。自是信使不絕。真宗景德二年。太常博士周漸假太府卿。右侍禁閣門祇候郭盛

假西上閤門使為契丹國生辰使。職方郎中直昭文館韓國華假祕書丞。衣庫副使焦守節。假西上閤門使。為契丹國母正旦使。祕書丞張若谷。假將作監內殿崇班郭允恭。假引進副使。為國主正旦使。自是歲以為常。**元**太祖六年。遣使至畏吾兒國。其主奕都護大喜。厚為之禮。因遣使納款。世祖中統元年。遣禮部郎中孟甲。負外李俊使安南大理。至元三年。遣兵部侍郎黑的使日本。二十八年。遣禮部尚書張立道使安南。二十九。年。復遣梁曾陳孚使安南。召使入朝。且諭其子入覲。

國朝混一區宇。分遣使者以柔遠人。其高麗安南占城等國皆頒

詔往諭。復勅使往授印綬。又降香幣以祀其國之山川。其柔撫四夷之意備至。今詳著開詔錫印賜予之儀。作遣使篇。其吊蕃國喪。祀蕃國山川之禮。則見於喪禮山川等篇。茲不贅具云。

詔蕃國開詔書附

漢文帝遣陸賈賜南粵王陀書。其文曰。皇帝謹問南粵王。甚苦心勞意。朕高皇帝側室之子。棄外奉北。藩于代。道里遼遠。壅蔽樸愚。未嘗致書。高皇帝棄群臣。孝惠皇帝即世。高后自臨事。不幸有疾。日進不衰。以故諄暴乎治。諸呂為變。故亂法不能獨制。迺取它姓子為孝惠皇帝嗣。賴宗廟之靈。功臣之力。誅之已畢。朕以王侯吏不釋之故。不得不立。今即位。乃者聞王遺將軍隆慮侯書。求親昆弟。請罷長沙兩將軍。朕以王書

罷將軍博陽侯。親昆弟在真定者。已遣人存問。脩治先人家。前日聞王發兵於邊。為寇災不止。當其時長沙苦之。南郡尤甚。雖王之國庸獨利乎。必多殺士卒。傷良將吏。寡人之妻。孤人之子。獨人父子。得一亡十。朕不忍為也。朕欲定地。犬牙相入者。以問吏。吏曰。高皇帝所以介長沙土也。朕不能擅變焉。吏曰。得王之地。不足以為大。得王之財。不足以為富。服領以南。王自治之。雖然。王之號為帝。兩帝並立。此一乘之使。以通其

大明集禮 卷三十一 四
道是爭也。爭而不讓仁者不為也。願與王分棄前患。終今以來。通使如故。故使賈馳諭告王。朕意。王亦受之。母為寇災矣。上褚五十衣。中褚三十衣。下褚二十衣。遺王。願王聽樂娛憂。存問鄰國。南粵王恐頓首。願奉詔為藩臣。唐武宗遣王會賜回鶻可汗勅書。其文曰。勅我國家統臨萬宇。列塞在陰山之南。先可汗搃率本部。建牙於大漠之北。各安土宇。二百餘年。此天所以限隔中外。不可逾越。近聞為紇吃斯所敗。加以飢荒。

國邑為墟。屍僵道路。今可汗稍收離散。漸近邊城。將務遠圖。先示文誥。故茲命使。宜聽朕言。可汗累代已來。赤誠向國。往者中原有難。助剪群寇。列聖念功。每加優寵。寧國咸安二公主降嫁。龍庭爰及先朝。復以今公主繼好。又以土無絲續。歲遺縑繒。恩禮轉深。諸蕃榮羨。久保誠信。兩絕猜嫌。但以國家舊章。藩漢殊壤。稍踰經制。豈朕所安。去歲嗚唎斯特勒已至近界。邊將憤激。便請驅除。朕每念其無主可歸。且令安撫。今可

汗既立。彼又降附。便合率領。漸復舊疆。漂寓塞垣。殊非良計。又得宰相頡干伽思等表。借振武一城。權與公主可汗居住。中國之制。與外蕃不同。須守前代規模。祖宗法度。昔漢朝單于乖亂。呼韓款塞。宣帝送單于出朔方雞鹿塞。唯賑以米粟。國初太宗皇帝。令李思摩建牙於漠南。遺跡並存。事皆可驗。未有深入漢界。借以一城與羌渾。党項。微小雜種。同為百姓。實亦屈可汗之尊貴。亂中國之舊規。若以未復本蕃。或欲別遷

善地。求大國聲援。戢諸部交爭。亦須率思歸之人。且於漠南駐止。朕當許公主朝覲。親問事宜。儻須應接。必無所怙。真令彼國從此輯寧。豈不謂去危就安。轉禍為福。朕緣公主將可汗丹誠來告。深感于衷。制置之間。須存遠大。故遣右金吾衛大將軍兼御史大夫王會副使宗正少卿兼御史中丞李師偃。馳往喻懷。爰定所居。更申誓約。神明是質。豈可食言。可汗宜保一心。自求多福。王會李師偃至回鶻。與申誓約而還。

元世

大甲集禮 卷三十一
祖遣孟甲李文俊諭安南。責其未奉王命。詔曰。我祖宗以武功創業。文化未修。朕纂承丕緒。鼎新革故。務一萬方。遂自庚申歲建元。為中統元年。誕敷詔赦。次第頒行。其不泄邇。不忘遠。然誠之所在。事有未遑也。適大理國守臣安撫聶只陌丁馳駟表聞。爾邦向風慕義之誠。及念卿昔在先朝。已歸款臣服。遠貢方物。故須詔旨。遣禮部郎中孟甲充南諭使。禮部員外郎李文俊充副使。諭本國官僚士庶。凡衣冠典禮風俗百事。一依本國舊制。不須更改。高麗國比遣使來請。已經下詔。悉依此例。除戒飭雲南等處邊將。不得擅興兵甲。侵掠疆場。撓亂人民外。卿國官僚士庶。各宜安治如故。孟甲李文俊至安南。宣諭詔旨。安南世子受詔奉命而還。

國朝 洪武二年正月。遣使賜倭國爪哇西洋占城。

詔曰。昔帝王之治天下。凡日月所照。無有遠邇。一視同仁。故中國尊安。四方得所。非有意於臣

服之也。自元政不綱。天下兵爭者十有七年。四方遐遠。信好不通。朕肇基江左。掃群雄。定華夏。臣民推戴。已主中國。建國號曰大明。改元洪武。頃者克平燕城。疆宇大同。以承正統。方與遠邇相安於無事。以共太平之福。惟爾四夷君長。首帥等。遐遠未聞。故茲詔諭。想宜知悉。是年六月。遣使封安南國王陳日烜。

詔曰。咨爾安南國王陳日烜。惟乃祖父昔守境於南陲。傳之子孫。常稱藩於中國。克恭臣職。以永世封。朕荷天地之靈。肅清華夏。頃馳書而往。報異率土。以咸寧。卿能奉表稱臣。專使來賀。法爾前人之訓。以安遐壤之民。曠茲勤誠。深可嘉尚。是用遣官齎印。仍封爾為安南國王。於戲。視廣同仁。思效拓王之盛典。爵超五等。俾承奕葉之遺芳。益茂令猷。永為藩輔。今賜卿大統曆一本。金陵紗羅四十縑。至可領也。故茲詔書。想宜知悉。是年八月。遣使封高麗國王王顥。詔曰。咨爾高麗國王王顥。世守朝鮮。紹前王之

令緒恪遵華夏為東土之名藩當四方之既平
嘗專使而往報即陳表貢備悉衷誠良由素習
於文風斯克謹脩於臣職允宜嘉尚是用褒崇
今遣使齎印仍封尔為高麗國王凡儀制服用
許從本俗於戲保民社而襲封式遵典禮傳子
孫於永世作鎮邊陲其服訓辭益綏福履今賜
大統曆一本錦繡絨段十匹至可領也故茲詔
示想宜知悉。

賜蕃國印綬

漢建武二十六年賜南匈奴黃金璽蓋綬文

曰匈奴單于璽**北齊**四方諸藩國王之章上藩

用中金中藩用下金下藩用銀並方寸龜紐**唐**

德宗賜南詔牟尋印用黃金銀為窠文曰貞元

冊南詔印武宗賜契丹印文曰奉國契丹之印

宋真宗賜百蠻王印一鈕文曰大渡河南山前

後都鬼主之印**元**賜吐蕃白蘭王印黃金為之

駝鈕國字篆賜高麗國王印黃金為之龜鈕國

字篆並三寸賜雲南王印銀為之塗以黃金駝

鈕漢篆三寸。賜安南國王印。黃金為之。龜鈕。國字篆三寸。

國朝賜高麗黃金印。龜鈕。方三寸。文曰高麗國

王之印。賜安南鍍金銀印。駝鈕。方三寸。文曰安

南國王之印。賜占城鍍金銀印。駝鈕。方三寸。文

曰占城國王之印。賜吐蕃黃金印。駝鈕。方五寸。

用周尺文曰白蘭王印。

賜吐蕃國禮物

漢文帝元年。遣陸賈賜南粵王上褚五十衣。中

褚三十衣。下褚二十衣。以綿裝衣曰褚六年遣使者遺

匈奴繡袷綺衣。長襦錦袍各一。比踈一。比踈。髮之飾

黃金飾具帶一。黃金犀毗一。犀毗。腰帶繡十匹。錦

三十匹。赤綈綠繒各四十匹。建武二十六年。詔

賜單于冠帶衣裳。黃金璽。蓋網綬。安車羽蓋。華

藻。駕駟寶劍。弓箭。黑節三。駙馬二。黃金。錦繡。繒

布絮。樂器。鼓。車。棨。戟。甲。兵。飲食。什器。二十八年。

賜單于雜繒五百匹。弓。鞬。鞞。一。矢。四發。**唐**貞觀

十年。賜吐谷渾以鼓。纛。開元中。遣使賜新羅王

瑞文錦。五色羅。紫繡文袍。金銀器。**宋**至道二年。遣使賜交趾玉帶。祥符四年。賜蒲端國旗幟鎧甲。**元**世祖至元四年。遣使賜高麗國王王植羊五百。五年。遣使賜安南國王陳光昞錦繡。及其諸臣有差。

國朝

迎接

漢光武建武二十六年。遣中郎將段郴使單于。單于乃延迎使者。使者曰。單于當伏拜受詔。單

于顧望之。頃乃伏。稱臣曰。單于新立。誠慙於左

右。願使者衆中無相折也。**唐**貞觀十五年。遣衛

尉丞李義表奉勅書使尸羅逸多。尸羅逸多遣

大臣郊迎。傾城縱觀。焚香夾道。逸多率其臣下

東面拜受。**元**至元二十八年。遣禮部尚書張立

道使安南。至境。安南世子陳日燭遣迓者接踵

及近郊。百官恭迎詔書。既而日燭乘輦以鸞仗

就館迎詔。群臣公服徒行奉隨。至明霞閣下。日

燭與近臣七八人登壽光殿龍椅前。置香案。日

燭再拜。自宣詔旨畢。日燭曰。恭覩天詔。不勝喜
躍。願祝皇帝萬歲壽。

國朝遣使奉

詔入境。蕃國先遣官遠接至公館。以

詔置龍亭中。有司備金鼓儀仗鼓樂以伺。次日
王率衆官及耆老僧道出迎。

詔於國門外。其遣使賜予。則王率衆官出迎並
如接

詔之儀。

序坐

漢高祖遣陸賈使南粵。賈至。尉佗黽結箕踞見
賈。賈因說佗曰。足下中國人。今反天性。棄冠帶。
欲以區區之越。與天子抗衡。為敵國。禍且及身
矣。於是佗蹶然起坐。謝曰。居蠻夷中久。殊失禮
義。留賈與飲數月。**元**至元二十六年。禮部尚書
張立道使安南。既至館。安南世子陳日燭詣詔
書所作禮。與立道等相見。平揖禮畢。其御史大
夫杜國計。翰長丁拱垣曰。往年定禮。王南向。使

者西向。請就位。立道曰。非禮也。大國之卿當小國之君。拱垣曰。王人雖微。序於諸侯之上。立道曰。我為王人。遂東西相向坐。接詔畢。宴于集賢殿。皆東西相向坐。

國朝遣使至蕃國。與蕃王分賓主相對坐。蕃王在西。使者在東。

遣使開詔儀注

前期翰林院官承

旨草詔

奏聞訖。

前一日。禮部告百官於

皇城守宿。至日鳴鐘。後具朝服侍班。內使監設

御座。香案於

奉天殿。尚寶卿設

寶案於

御座之南。用

寶案於

詔書案之東。侍儀司設

詔書案於

寶案之南。設承制官位于

殿上之東。及

丹陛之東南。設使者拜位於

丹墀中道稍西。北向。典儀二人於

丹陛上之南。東西相向。知班二人位于使者之

北。東西相向。贊禮二人位于知班下之北。東西

相向。設文武百官侍立位於

文武樓之北。文東武西。東西相向。文武侍從班

于

殿上之左右。設引文武班舍人四人位于文武

官之北。東西相向。設引使者二人位于使者之

北。東向。拱衛司。光祿寺官對立位于

奉天門之左右。俱東西相向。將軍二人位于

殿上簾前。東西相向。將軍六人於

奉天門之左右。東西相向。又將軍四人於

丹陛上之四隅。東西相向。又將軍六人於

奉天殿之左右。東西相向。鳴鞭四人于

丹陛上。北向。

是日金吾衛於

午門外陳設甲士軍仗。東西相向。拱衛司陳設儀仗於

丹陛

丹墀之東西。設遮

詔書黃蓋於

奉天殿門前。和聲郎設樂於

丹墀之南。侍儀司設龍亭儀仗。大樂於

午門外正中。擊鼓初嚴。催班舍人催文武官具朝服。導駕官侍從官入迎。

車駕次嚴。引班舍人引文武官入就侍立位。引禮引使者具朝服立於

丹墀之西以伺。三嚴侍儀奏外辨。

皇帝通天冠絳紗袍。出

謹身殿。樂作尚寶捧

寶前導。侍從導引如常儀。陛

奉天殿御座。樂止尚寶以

寶置于案。捲簾鳴鞭報時。雞唱訖。禮部官捧
詔書于

寶案前。尚寶用

寶訖。中書省官。禮部官同捧至

御座呈奏訖。禮部官用黃銷金袂裏

詔書置盤中。置于案。引禮引使者就

丹墀拜位。典儀唱鞠躬拜興。拜興。拜興。平

身。使者鞠躬樂作拜興。拜興。拜興。平身。樂

止承制官進詣

御座前跪承制訖。由中門出。至

丹陛上宣制位。承制官稱有

制。典儀唱跪。使者跪承制官宣

制曰。

皇帝勅使爾某奉

詔諭某國爾宜恭承朕命。宣

制訖。承制官由西門入。典儀唱俯伏。興。平身。使

者俯伏。興。平身。典儀唱鞠躬拜興。拜興。拜興。拜興。拜興。拜興。拜興。平

興。平身。使者鞠躬樂作拜興。拜興。拜興。拜興。平

身。樂止禮部官詣案捧

詔由

殿中門出。拱衛司擎黃蓋遮護。降自中陛。至使者位前。以授使者。大樂振作使者捧

詔書由

奉天門中出。至

午門外。以

詔置龍亭中。侍儀奏禮畢。

皇帝興。

樂作還宮。樂止

引禮引文武官以次出。

分選各衙門正官一員奉送

詔書出國門外。使者賚奉以行

蕃國接詔儀注

使者入蕃國境。先遣關人馳報於王。王遣官遠接

詔書。

前期令有司於國門外公館設幄。結綵。設龍亭於正中。設香案於龍亭之南。備金鼓儀仗鼓樂。伺候迎引。又於國城內街巷結綵。於王宮內設

闕庭於殿上正中。設香案於

闕庭之前。設司香二人於香案之左右。設詔使立位於香案之東。設開讀案位於殿陛之東北。設蕃王拜位於殿庭中。北向。設蕃國衆官拜位於蕃王拜位之南。異位重行。北向。設捧詔官位於開讀案之北。宣詔官位於捧詔官之南。展詔官二人於宣詔官之南。俱西向。司禮二人位於蕃王拜位之北。東西相向。引禮二人位於司禮之南。東西相向。引班四人位於衆官拜位之北。

東西相向。陳儀仗於殿庭之東西。設樂位於衆官拜位之南。北向。遠接官接見。

詔書迎至館中。安奉於龍亭中。遣使馳報王。

是日王率國中衆官及耆老僧道出迎於國門外。迎接官迎。

詔書出館。至國門。金鼓在前。次耆老僧道行。次衆官具朝服行。次王具冕服行。次儀仗鼓樂。次詔書龍亭。使者常服行於龍亭之後。迎至宮中。金鼓分列於門外之左右。耆老僧道分立於庭

中之東西置龍亭於殿上正中。使者立於龍亭之東。引禮引王入就拜位。引班引衆官及僧道者老各入就拜位。使者詣前南向立稱有。

制司贊唱鞠躬拜興拜興拜興拜興平身。蕃王

及衆官以下皆鞠躬拜興拜興拜興拜興。

平身。樂止引禮引蕃王由西階陞詣香案前北

向立。引禮唱跪。蕃王跪。司贊唱衆官皆跪。衆官

以下皆跪。引禮唱上香。上香。三上香。司香捧香

跪進于王之左。王三上香訖。引禮唱俯伏。興平

身。蕃王及衆官以下皆俯伏。興平身。引禮引蕃

王復位。司贊唱開讀。宣詔官展讀。官陞案。使者

詣龍亭捧

詔書授捧詔官。捧詔官前受

詔。捧至開讀案。授宣詔官。宣詔官受

詔。展詔官對展。司贊唱跪。蕃王及衆官以下皆

跪。宣詔官宣

詔訖。捧詔官於宣詔官前捧

詔書仍置于龍亭。司贊唱俯伏。興平身。蕃王及

衆官以下皆俯伏興平身。司贊唱鞠躬。拜興。拜興。拜興。拜興。平身。蕃王及衆官以下皆鞠躬。樂作拜興。拜興。拜興。拜興。平身。樂止。司贊唱搢笏。鞠躬。三舞蹈。三拱手加額山呼。萬歲。山呼。萬歲。再山呼。萬萬歲。出笏俯伏。興。樂作拜興。拜興。拜興。拜興。平身。樂止。禮畢。引禮引蕃王退。引班引衆官以次退。蕃王及衆官釋服。使者以詔書付所司頒行。蕃王與使者分宿。主行禮。

遣使賜印綬儀注。賜禮物儀同。

前期禮部承

旨具印文式樣奏

聞符下鑄印局鑄完進呈

聞奏。

前一日內使監設

御座香案於

奏天殿侍儀司設賜印案於

丹陛上之東設承制官位于

殿上之東及宣制位于

丹陛之東南設使者拜位于

丹墀中道稍西北向設文武官侍立位于

文武樓之北文東武西東西相向侍從班位於

殿上之東西拱衛司光祿司官位于

殿門之左右設典儀位於

丹陛上之南東西相向知班二人位於使者之

北贊禮二人位於知班之北俱東西相向引使

者二人位于使者拜位之北西立東向引文武

班舍人位于文武官之北稍後東西相向將軍

二人位于

殿上簾前東西相向將軍四人位于

丹陛上之四隅東西相向將軍六人位于

奉天殿門之左右東西相向將軍六人位于

奉天門之左右東西相向鳴鞭四人位于

丹陛中北向

是日宿衛陳兵仗於

午門外之東西拱衛司陳設儀仗於

丹陛

丹墀之東西。和聲郎設樂位於

丹墀。使者拜位之南。禮部設龍亭儀仗。大樂於午門外。擊鼓初嚴。催班舍人催百官具朝服。執事者入就位。導駕官侍從官入迎。

車駕次嚴。引班引文武百官入就侍立位。引禮引使者入。

丹墀西立東向。禮部官陳設所賜印于

丹陛案上。如有禮物。設禮物案。三嚴侍儀奏外辨。

皇帝於

謹身殿服皮弁服出。樂作侍從導引如常儀。

皇帝陞

奉天殿御座。樂止。捲簾鳴鞭。鷄唱報時訖。引禮

引使者就拜位立定。贊禮唱鞠躬。拜興。拜興。拜

興。拜興。平身。使者鞠躬。樂作。拜興。拜興。拜

興。平身。樂止。承制官就

御座前跪承

制訖。由中門出。至

丹陛上宣制位。稱有

制贊禮唱跪使者跪承制官宣

制曰。

皇帝勅使爾某授某國王印爾其恭承朕命如有

有賜禮物就宣

制訖承制官由

殿西門入贊禮唱俯伏興平身使者俯伏興平

身贊禮唱鞠躬拜興拜興拜興拜興拜興平身使者

鞠躬樂作拜興拜興拜興拜興平身樂止禮部

官捧印由中陛降以授使者使者搢笏奉印由

奉天殿中門出如賜禮物則侍儀奏禮畢

皇帝興樂作入宮樂止使者以印置于龍亭中

引班引百官以次出各衙門以正官一員設儀

仗大樂送印至國門外使者奉印以行

蕃國受印物儀注

使者至蕃國境先遣關人入報蕃王遣官遠接

前期有司於國門外公館設幄結綵設龍亭於

館之正中備金鼓儀仗鼓吹於館所以伺迎引

又於國城內街巷結綵又於王宮設

闕庭於殿上正中。設香案於

闕庭之前。設蕃王受賜予位於香案之前。設蕃王拜位於殿庭正中。北向。衆官拜位於王拜位之南。異位重行。北向。設樂位於衆官拜位之南。北向。司贊二人於蕃王拜位之北。東西相向。引禮二人於司贊之南。東西相向。引班四人於衆官拜位之北。東西相向。陳儀仗於殿庭之東西。遠接官接見使者。迎至館所。以上賜安奉於龍亭中。遣使馳報王。

是日蕃王率百官出迎於國門外。遠接官迎上賜出館。至國門。金鼓在前。次衆官常服乘馬行。次王乘馬行。次儀仗鼓樂。次

上賜龍亭。使者常服乘馬行於龍亭之後。迎至宮中。金鼓分列於殿外門之左右。衆官分立殿庭之東西。置龍亭於殿上正中。使者立於龍亭之東。引禮引蕃王。引班引衆官。各就拜位立定。司贊唱鞠躬拜興。拜興。拜興。平身。蕃王及衆官皆鞠躬拜興。拜興。拜興。平身。樂

止引禮引蕃王詣龍亭前使者稱有

制引禮贊跪司贊唱跪蕃王與衆官皆跪使者
宣

制曰

皇帝勅使某持印賜爾國王某并賜某物宣畢
使者捧所賜印并某物西向授蕃王蕃王跪受
以授左右訖引禮唱俯伏興平身司贊唱俯伏
興平身蕃王及衆蕃官皆俯伏興平身引禮引
蕃王出復位司贊唱鞠躬拜興拜興拜興

平身蕃王及衆官皆鞠躬樂作拜興拜興

拜興平身樂止司贊唱禮畢引禮引蕃王入殿

西立東向使者東立西向引禮唱鞠躬拜興拜

興平身使者與蕃王皆鞠躬拜興拜興平身使

者降自東階蕃王降自西階遣官送使者還館

遣使開詔圖

文官侍立位

知班 贊禮

樂

贊禮

班引 知班 贊禮

位立侍官武

引禮

典儀 宣制

天武

鳴鞭

鳴鞭

鳴鞭

鳴鞭

典儀

天武

集禮卷三十一 二十六

引禮

蕃國接

詔圖

班位侍官文

天武

將軍

將軍

車馬

禮部官
中書省官

賞司官

案寶用

內使侍立

加

將軍

引班
引班

位拜道僧老著

位拜國蕃

引禮
司禮

御座

寶案

詔案

蕃王拜位

樂

加

車馬

將軍

將軍

車馬

引禮
司禮

位拜道僧老著

位拜國蕃

內使侍立

承制官

引班
引班

班位侍官武

天武

集禮卷三十一二十七

案開讀

展詔官

開讀官

長治官

宣詔官
捧詔官

司香

香案

桌

詔使

尊

殿上

闕庭

大明集禮卷三十二



